



Titulli i projektit

Përmirësimi i furnizimit me ujë për banorët e Llugajt, Luzhës dhe Rrogamit

Tipi i projektit

Zhvillim ekonomik/ Shërbime Publike/ Projekte që mobilizohen shpejt

Vendndodhja e projektit

Fshtrat e Llugajt, Luzhes dhe Rrogamit

Buxheti i paravlerësuar

100,000,000 lekë

Përshkrimi dhe analiza e problemit/eve

Shërbimi i furnizimit me ujë të pijshëm është një ndër shërbimet publike kryesore. Në analizën e Zonës Funksionale Tropojë, shërbimi i furnizimit me ujë është identifikuar si një problem kryesor dhe janë përfshirë rekomandime të rëndësishme: Përmirësimi i menaxhimit të furnizimit me ujë duhet të jetë prioritet i qeverisjes vendore; Shtrirja e shërbimit të furnizimit me ujë në zonat që nuk mbulohen nga ky shërbim. Ndërmarrja e Ujësjellës-Kanalizimeve sh.a. furnizon me ujë rreth 70% të popullsisë së Tropojës, përfshirë qytetin e Bajram Currit, si dhe fshatrat e komunave në afërsi të ujësjellësit, si Margegaj, Shoshan, Kocanë, Fushë Lume, Cërnice e Sopot dhe po shtrihet edhe në Dojan dhe Bujan. Fshatrat e Komunës Llugaj (Llugal, Luzhë, Rrogam) megjithëse kanë mundësi të kenë akses në ujësjellësin e qytetit, nuk janë të përfshirë në skemën e furnizimit me ujë.

Qëllimi/et specifik të projektit

Përmirësimi i furnizimit me ujë në fshatrat Llugaj, Luzhë, Rrogam dhe në zonën funksionale Tropojë në përgjithësi.

Rezultatet e pritshme dhe treguesit

1. Infrastruktura e furnizimit me ujë është përmirësuar.
2. Furnizimi me ujë i banorëve të fshatrave Llugal, Luzhë dhe Rrogam është përmirësuar ndjeshëm;
3. Cilësia e jetës e banorëve të fshatrave Llugaj, Luzhë, Rrogam është rritur nëpërmjet aksesit tek uji i rrjedhshëm.

Banorët e një Njësie Vendore—Llugajt—dhe konkretisht banorët e fshatrave Llugaj, Luzhë, Rrogam (rreth 2000 banorë ose rreth 70% e popullsisë së Komunës Llugaj dhe 8% të popullsisë së përgjithshme të zonës funksionale). Komuna Llugaj zë rreth 10% të territorit të zonës funksionale.

PROJEKTI 5



program i zonave funksionale

pzf

Aktivitetet e projektit

1. Përgatitja e projektit teknik;
2. Tenderimi i punimeve;
3. Shtrimi i tubave dhe lidhja e tyre me tubacionin kryesor;
4. Vendosja e matësave të ujit;
5. Ndërgjegjësimi i komunitetit për përdorimin efektiv të ujit dhe pagesën e tarifave të konsumit të ujit.

Kohëzgjatja e realizimit të projektit është rreth 12 muaj.

Maturimi i projektit

Kjo ndërhyrje do të ishte pjesë e një projekti më të madh për shtrirjen e shërbimit në të gjithë territorin e zonës funksionale ku është fizibël. Ndërmarrja e Ujësjellës-Kanalizimeve sh.a. furnizon me ujë rreth 70 % të popullsisë së Tropojës, përfshirë qytetin e Bajram Currit, si dhe fshatrat e komunave në afërsi të ujësjellësit, si Margegaj, Shoshan, Kocanë, Fushë Lume, Cërnica dhe Sopot dhe po shtrihet edhe në Dojan dhe Bujan. Fshatrat e mëdhenj të komunës Llugaj—Llugaj, Luzhe dhe Rogam—duhet të përfitojnë nga ky shërbim gjithashtu.

Burimet e financimit dhe partnerët në zbatim

Burimet e mundshme të financimit të këtij projekti janë Ministria e Transportit dhe Infrastrukturës, Bashkia Tropojë dhe donatorët potencialë të huaj. Projekti do të realizohet nga Ndërmarrja e Ujësjellësit (vendosja e matësave) në bashkëpunim me kompani të specializuara (shtrirja e tubave), bazuar në procedura të tenderimit publik dhe organizata të shoqërisë civile (për ndërgjegjësimin e komunitetit).

Kostot e projektit

Vlera totale e projektit është rreth 100,000,000 lekë, përfshirë:

1. Përgatitja e projektit teknik (3,000,000 lekë);
2. Tenderimi i punimeve;
3. Shtrimi i tubave dhe lidhja e tyre me tubacionin kryesor (93,000,000 lekë);
4. Vendosja e matësave të ujit (4,000,000 lekë);
5. Ndërgjegjësimi i komunitetit për përdorimin efektiv të ujit dhe pagesën e tarifave të konsumit të ujit.